

《父母恩》

魏素湄 2014/5/5

甲：（唱歌出場）晟養我的彼雙手，無人比伊較幼秀，為我操勞的彼雙手，美麗溫柔，毋曾為著家己想，全部心思只有阮，親像溪水流入大海，付出無所求，無分日暝，無分春秋，疼子的心無理由-----

乙：（那拍嘆仔那行過來）好聽！好聽！正港的三房二廳。

甲：（得意的笑）讚 hoonnh! 人，我是有園（khò g）感情落去呢，毋才會遮好聽！

乙：（手掩嘴，頭敲 khi 向台仔下，那搖頭，那細聲講）我稍可共（ka）褒一下，伊的尾椎就強欲翹上天，真正是-----

甲：喂（eh）！你佇彼（hia）咧躉躉唸，是咧唸啥？毋緊來共逐家問好一下！

甲、乙：真會唱（甄惠唱）、好（郝）聰明，（合齊行禮一鞠躬，齊聲喝）：「逐家好，逐家食飽無煩惱」。

乙：喂（eh）！你底當時改名，我哪攏毋知？

甲：光頭白日，你是看到鬼 hioh! 我哪有改名？

乙：你拄才（tú-tsiah）明明講你叫做啥物--「真~會~唱」！

甲：『甄惠唱』，台語就是「真會唱」啊，我敢有講毋著，閣再講，我若無二步七仔，你哪會拍嘆仔兼喝好聽咧！啥款，阮父母是毋是真勢（gâu）號名啊！

乙：啊若講到勢號名，阮爸也嘛袂較輸，好~聰~明~，你看，人若巧，看面著知（頭 tann-tann 臭屁 ē 形）。

甲：煞！咱若閣繼續相褒落去，稍等一下可能會予人轟（hò）出去！